



REPUBLIKA E KOSOVËS / REPUBLIKA KOSOVA

GJYKATA THEMELORE PEJË - DEGA E GJYKATËS KLINË

Numri i lëndës: 2019:222775

Datë: 16.09.2020

Numri i dokumentit: 01119513

P.nr.218/2019

NË EMËR TË POPULLIT

GJYKATA THEMELORE NË PEJË-DEGA NË KLINË-Departamenti i Përgjithshëm-Divizioni Penal, Gjyqtarja e vetme gjykuese Sabrije Rraci, në çështjen penale kundër të pandehurit S. (S.) J. K Klinë, për shkak të veprës penale: „Vjedhje e Shërbimeve”, nga neni 314 par 1 të KPRK-së, i akuzuari sipas aktakuzës së Prokurorisë Themelore në Pejë, PP/II.Nr.2166/2019, të dt. 30.09.2019, në shqyrtimin fillestar publik të mbajtur në praninë e Prokurori i Shtetit Ersan Qavolli nga Prokuroria Themelore në Pejë dhe të pandehurit të lartëcekur, pas përfundimit të shqyrtimit fillestar më dt. 15.07.2020 , shpalli aktgjykimin, ndërsa me datën, 20.08.2020, mori këtë:

A K T G J Y K I M

I pandehuri: S. J. i lindur, ..., K Klinë, ku edhe banon i pa martuar por i vej, i biri S. dhe nënës XH. e gjinisë K., ka të kryer shkollën fillore, i pa punë, së gjendjes së dobët ekonomike, identifikohet me nr. personal;...,i nacionalitetit Rom, Shtetas i Republikës së Kosovës mbrohet ne liri.

ËSHTË FAJTORË

Më parë e gjerë me dt. 19.06. 2017 K.Klinë, në shtëpinë e tij në mënyra tjera siguron shërbime për të cilat dihet se mundësohen vetëm me shkëmbim të kompensimit dhe shmang pagesën për shërbim të tilla në dëm të kompanisë K...-it në atë mënyrë që gjatë kontrollit nga komisioni i autorizuar te K...-it, i pandehuri në adresë të sipërshtënuar është hasur pa njehsor elektrik i kyçur drejtpërdrejt në rrjetin elektrik, prej shtyllës-shtëpi- tabelë të fidit me siguresa mbrojtësen, ashtu që në mënyrë të paautorizuar shpenzon energjinë elektrike dhe kompanisë K... i shkakton dëm në vlerë prej 175,28 €,

Me çka ka kryer vepër penale, vjedhje e shërbimeve, nga neni 314 par.1 të KPRK-së

Prandaj gjykata në bazë të neneve 4,7,17,41, 46, 50, 51,52 dhe 73 si dhe nenit 314, të KPRK-së, si dhe nenit 365 të KPPRK-së:

G J Y K O N

DËNIM ME KUSHT

Të akuzuarin: S. J., me dënim me gjobë shuma në vlerë prej 250 (dyqind e pesëdhjet) Euro, i cili dënim nuk do të ekzekutohet nëse i akuzuari në afatin prej 1 (një) viti nuk kryen vepër të re penale, pasi aktgjykimi të merr formën e prerë.

II.OBLIGOHET:I akuzuari në emër të shpenzimeve paushallë të paguajë shumën prej 20 € (njëzetë) Euro, si dhe tarifën në emër të Kompenzimit të Viktimave të Krimit 30 (tridhjet) €, gjithsejt 50 pesëdhjet (pesëdhjet) €, brenda afatit prej 15 ditësh, nga dita e plotfuqishmërisë së këtij aktgjykimi.

III.E dëmtuara „K...”- Distribucioni në Pejë, për realizimin e kërkesës pasurore-juridike udhëzohet në kontestin e rregullt juridiko-civil.

A r s y e t i m

Prokuroria Themelore në Pejë-Departamenti i Përgjithshëm, me aktakuzë PP.II.Nr.2166/19, të dt.30.09.2019, ka akuzuar S. J. K. Klinë, për shkak të veprës penale, vjedhja e shërbime, nga neni 314 par 1 të KPRK-së.

Lidhur me këtë çështje penale gjykata mbajti seancën e shqyrtimit fillestar me dt. 15.07.2020, gjatë të cilës u dëgjuan Prokurori i shtetit Ersan Qavolli nga Prokuroria Themelore në Pejë, dhe i akuzuari S. J..

I pandehuri në seancën e shqyrtimit fillestar, e ka pranuar fajësinë për veprën penale për të cilën akuzohet, sipas aktakuzës dhe ka shtuar se kërkoi falje dhe premtoj se një gjë e tillë nuk do të përsëritet, meqë është hera e parë që kam rënë ndesh me ligjin, kërkoj nga gjykata që të më shqiptoj dënim më të butë.

Prokurori i Shtetit nga Prokuroria Themelore në Pejë, në fjalën e dhënë lidhur me pranimin e fajësisë nga ana e të pandehurit deklaroi se pajtohem me pranimin e fajësisë pasi që pranimi i fajësisë është dhënë në mënyrë vullnetare dhe me vetëdije të plotë për pasojat e pranimit të fajësisë, pasi që ky pranim është bërë konform dispozitave të KPPRK-së, neni 248.

Gjyqtari i vetëm gjykues vërtetoi se i pandehuri e ka kuptuar natyrën dhe pasojat e pranimit të fajësisë, pranimi i fajësisë u bë vullnetarisht, me liri të plotë nga ana e të akuzuarit, pranimi i fajësisë mbështetet në faktet e çështjes që i përmban aktakuza në materialet e prezantuar nga Prokurorja e Shtetit.

Gjykata pas pranimit të fajësisë nga ana e të akuzuarit, dhe marrjes së mendimit të palëve, respektivisht Prokurori i shtetit, si dhe provave që gjenden në shkresat e lëndës vërteton se janë përmbushur të gjitha kushtet ligjore të parapara sipas dispozitës së nenit 248, par.1, të KPPRK-së dhe e aprovoi pranimin e fajësisë nga ana e të akuzuarit në shqyrtimin fillestar, andaj Gjykata konform nenit 248, par.4, të KPPRK-së, nuk ka zbatuar procedurën e provave por ka vazhduar me shqiptimin e dënimit.

Në bazë të gjendjes faktike të vërtetuar edhe nga vet i akuzuari, gjykata vërteton se me veprimet inkriminuese të akuzuarit përmbushen të gjitha elementet qenësore të veprës penale: vjedhje e shërbimeve, nga neni 314 par 1 të KPRK-së, e për çka gjykata gjeti se i akuzuari në aspektin penal-juridik është përgjegjës, për çka edhe u shpallë fajtorë dhe iu shqiptua dënimi si në dispozitiv të këtij aktgjykimi.

Me rastin e vendosjes së llojit dhe lartësisë së dënimit, Gjykata pati parasysh të gjitha rrethanat në llojin dhe masën e dënimit, dhe në rastin konkret si rrethana lehtësuese gjeti faktin se i pandehuri, gjatë shqyrtimit fillestar e ka pranuar fajësinë për veprën penale e cila i vihet në barrë,

faktin se është hera e parë që ka rënë në kundërshtim me ligjin, gjendjen e tij ekonomike-familjare duke pasur parasysh shkallën e përgjegjësisë penale si rrethanë rënduese gjykata gjeti dhe pati parasysh dashjen e kryerjes së veprës penale.

Andaj gjykata ka shqiptuar dënimin si në dispozitiv të aktgjykimit me bindje se ky dënim është adekuat me shkallën e rrezikshmërisë shoqërore të veprës së kryer penale dhe shkallën e përgjegjësisë penale të pandehurit dhe se me një dënim të tillë do të arrihet qëllimi i dënimit i paraparë me nenin 41, par.1, të KPRK-së, që të parandaloj kryesin nga kryerja e veprave penale në të ardhmen, dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

Gjykata gjatë shqyrtimit fillestar të mbajtur, duke marrë parasysh pranimin e fajësisë nga ana e të pandehurit, aprovoj aktakuzën e Prokurorisë Themelore në Pejë, për dhënien e dënimit meritor, duke vendosur si në dispozitiv të këtij aktgjykimi

Konform dispozitave ligjore të nenit 453 par.1 të KPPRK-së, obligohet i pandehuri që ti kompensoj shpenzimet e procedurës penale, si dhe shpenzimet për kompensim të viktimave të krimit u muar konform Qarkores për zbatimin e ligjit nr.05/L-036.

Vendimi mbi udhëzimin e palës së dëmtuar për realizimin e kërkesës pasurore-juridike në kontest civil është marrë në kuptim të nenit 463, par.1 dhe 2, të KPRK-së.

Andaj nga arsyet e cekura më lartë, dhe konform dispozitave ligjore të nenit 25, par.2, 26, par. 2, 297, dhe 365 dhe 470 të KPPRK-së u vendos si në dispozitiv të këtij aktgjykimi.

Nga sa u tha më lartë u vendos si në dispozitiv të këtij aktgjykimi.

GJYKATA THEMELORE PEJË-DEGA KLINË
P.nr.218/2019, me dt. 20.08.2020

Sekretare juridike:

GJYQTARJA

Shere Desku

Sabrije Rraci

KËSHILLA JURIDIKE:

Kundër këtij aktgjykimi mund të ushtrohet Ankesë në afat prej 15 ditësh nga dita e pranimit të njëjtit, Gjykatës së Apelit në Prishtinë, e nëpërmes kësaj gjykate.